



Broj: 0101-3549-1-6/18
Sarajevo, 28.09.2018. godine

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog postupka javne nabavke robe – nabavka Agregata za neprekidno napajanje, na preporuku Komisije za javnu nabavku broj: 0101-3549-1-5/18 od 26.09.2018. godine, rektor je d o n i o:

ODLUKU
o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-3549-1-5/18 od 26. 09. 2018. godine i ugovor o javnoj nabavci robe – nabavka Agregata za neprekidno napajanje, dodjeljuje ponuđaču Vizija d.o.o. Sarajevo, Muhašinovići bb, 71300 Visoko čija ukupna cijena ponude nakon provedene e-aukcije iznosi: 21.800,00 KM (slovima: dvadesetjednahiljadaosamstotina 00/100), što sa uračunatim PDV-om iznosi 25.506,00 KM (slovima: dvadesetpethiljadapetstotinašest 00/100) iz razloga što je u otvorenom postupku za dostavljanje ponuda, ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Izabrani ponuđač je dužan u roku od **3 (tri) dana** od dana zaprimanja ove Odluke, na adresu Univerziteta u Sarajevu, Obala Kulina bana 7/II, 71000 Sarajevo dostaviti originale ili ovjerene kopije dokaza traženih tačkom 13.1. Poziva za dostavu ponude br. 0101-3549-1-5/18 od 20.06.2018.godine, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

O b r a z l o ž e n j e

Na osnovu Odluke o pokretanju postupka javne nabavke broj: 0101-3549-1-1/18 od 08.06.2018. godine, Univerzitet u Sarajevu je pokrenuo postupak javne nabavke robe – nabavka Agregata za neprekidno napajanje.

Za provođenje postupka predmetne javne nabavke, Odlukom broj: 0101-3549-1-2/18 od 08.06. 2018. godine, imenovana je Komisija za javnu nabavku u sastavu: Ćemal Suljević, predsjedavajući, Alvin Huseinović, član, Enes Halilović, član, a za zamjenske članove su imenovani: Sanel Sefer, Bojan Crnogorac i Azra Ramić.

Obavještenje o nabavci broj: 999-1-1-81-3-35/18 objavljeno je na Portalu javnih nabavki dana 20. 06. 2018. godine i Službenom glasniku BiH br.42 od 22.06.2018.godine.

Slijedeći ponuđači preuzeli su tendersku dokumentaciju: BBS Europe, Ekapija d.o.o., Albat d.o.o., 2E Consulting d.o.o. Sarajevo Lahi d.o.o., Energoinvest SUE d.d. Sarajevo, Sicon SAS d.o.o. Tuzla, Teknoxgroup BH d.o.o., Reap d.o.o., Jasmin M d.o.o.Žepče, Stubelj Co d.o.o. Zenica, Vizija d.o.o. Visoko i Matisa.

Iz Zapisnika Komisije za javnu nabavku je vidljivo da su u periodu koji je ostavljen za dostavljanje ponuda, četiri ponuđača dostavili zahtjeve za pojašnjenjem tenderske dokumentacije. Ugovorni organ blagovremeno je odgovorio na postavljena pitanja kroz sistem e-nabavke.

Dana 02.07.2018. godine Ugovorni organ je zaprimio Žalbu na tendersku dokumentaciju od strane ponuđača Energoinvest-SUE d.d. Sarajevo, Tvornička 3, 71000 Sarajevo. Razmatrajući navode iz žalbe Ugovorni organ je donio Odluku 03.07.2018. godine broj: 0101-3549-1-4/18 kojom se žalbeni navod u dijelu koji se odnosi na tehničke karakteristike predmeta nabavke uvažava kao osnovan, te je izvršio izmjenu Tenderske dokumentacije u dijelu Obrazac za cijenu ponude i umjesto tehničke karakteristike agregata („6 cilindara“ promjenjeno u „4 cilindra i više“). Ugovorni organ je također izvršio izmjenu datuma dostave ponuda te produžio rok za 7 (sedam) dana.

Komisija za javnu nabavku je dana 17.07.2018. godine u 10,15 sati izvršila javno otvaranje blagovremeno prispjelih ponuda ponuđača: Teknoxgroup BH d.o.o., Rajlovačka cesta bb, Energoinvest SUE d.d., Tvornička 3, 71000 Sarajevo, Sicon SAS Tuzla, Čaklovići 26, 75000 Tuzla, Albat d.o.o. Sarajevo, Pavla Lukača 7, 71000 Sarajevo, Vizija d.o.o. Visoko, Muhašinovići bb, 71300 Visoko. Na javnom otvaranju ponuda prisutan je bio predstavnik ponuđača Vizija d.o.o. Visoko, Valjevac Edin koji je dostavio punomoć/ovlaštenje za prisustvo broj: 01-354/18. Komisija za javnu nabavku je dana 17. 07. 2018. godine, pristupila pregledu ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za vršenje predmetnih usluga.

Pregledom ponude ponuđača **Teknoxgroup BH d.o.o.** Komisija je utvrdila da ponuđač u svojoj ponudi nije dostavio dokument zahtijevan tačkom 13.4. Tenderske dokumentacije „**Izvod iz PIO/MIO iz kojeg se vidi spisak radne snage, struktura i kvalifikacija (da je osoblje kvalificirano za predmetne radove) ili neki drugi Ugovor o angažmanu sa prilogom gore navedenih kvalifikacija**“, već je dostavio listing osiguranih lica u Poreznoj upravi Federacije BiH iz kojeg je vidljivo samo da su navedena lica zaposlena kod Ponuđača. Ugovorni organ je izričito tražio dokument/listing koji izdaje Zavod za penzijsko i invalidsko osiguranje kako je i navedeno u Tenderskoj dokumentaciji ili Ugovor o angažmanu za lica koja nisu zaposlena kod Ponuđača, a kvalifikovana su za obavljanje poslova iz predmeta nabavke. Iz navedenog Komisija je odlučila da ponuda ponuđača Teknoxgroup BH d.o.o. nije prihvatljiva te se ponuđač isključuje iz daljnjeg postupka nabavke.

Pregledom ponude ponuđača **Sicon SAS d.o.o.** Komisija je utvrdila da ponuđač u svojoj ponudi nije dostavio dokument zahtijevan tačkom 13.4. Tenderske dokumentacije „**Izvod iz PIO/MIO iz kojeg se vidi spisak radne snage, struktura i kvalifikacija (da je osoblje kvalificirano za predmetne radove) ili neki drugi Ugovor o angažmanu sa prilogom gore navedenih kvalifikacija**“, već je dostavio listing osiguranih lica u Poreznoj upravi Federacije BiH iz kojeg je vidljivo samo da su navedena lica zaposlena kod Ponuđača. Ugovorni organ je izričito tražio dokument/listing koji izdaje Zavod za penzijsko i invalidsko osiguranje ili Ugovor o angažmanu za lica koja nisu zaposlena kod Ponuđača, a kvalifikovana su za obavljanje poslova iz predmeta

nabavke kako je i navedeno u Tenderskoj dokumentaciji. Ponuđač Sicon SAS d.o.o. u svojoj ponudi je također dostavio certifikate 14001:2004 sa rokom važenja 21.juli.2016 god kao i certifikat ISO 9001:2008 rokom važenja 21.juli.2016. godine. Obzirom da je navedenim certifikatima istekao rok važenja Komisija je ocijenila da ponuđač nije ispunio uslov iz Tenderske dokumentacije (tačka 13.4. stav (a)). Iz navedenog Komisija je odlučila da ponuda ponuđača Sicon SAS d.o.o. nije prihvatljiva te se ponuđač isključuje iz daljnjeg postupka nabavke.

Pregledom ponude ponuđača **Albat d.o.o.** Komisija je utvrdila da ponuđač u svojoj ponudi nije dostavio dokument zahtijevan tačkom 13.4. Tenderske dokumentacije „**Izvod iz PIO/MIO iz kojeg se vidi spisak radne snage, struktura i kvalifikacija (da je osoblje kvalificirano za predmetne radove) ili neki drugi Ugovor o angažmanu sa prilogom gore navedenih kvalifikacija**“, već je dostavio listing osiguranih lica u Poreznoj upravi Federacije BiH iz kojeg je vidljivo da su navedena lica zaposlena kod Ponuđača. Ugovorni organ je izričito tražio dokument/listing koji izdaje Zavod za penzijsko i invalidsko osiguranje ili Ugovor o angažmanu za lica koja nisu zaposlena kod Ponuđača, a kvalifikovana su za obavljanje poslova iz predmeta nabavke, kako je i navedeno u Tenderskoj dokumentaciji. Ponuđač Albat d.o.o. Sarajevo nije dostavio prevod certifikata za zaposlenike, a što je je propisano tačkom 14. Tenderske dokumentacije „**Način pripreme ponude - Svi dostavljeni certifikati, dokazi o obuci osoblja, dokaz o tehničkoj osposobljenosti ponuđača izdat od strane proizvođača ili drugog ovlaštenog tijela i ostala dokumentacija u vezi sa predmetom nabavke dostavlja se prevedena od strane ovlaštenog sudskog tumača na jedan od službenih jezika u BiH na latiničnom ili ćirilničnom pismu-** “. Ponuđač Albat d.o.o. nije dostavio dokument predviđen tačkom 13.4. stav (d). Tenderske dokumentacije, a koji se odnosi na ovlaštenje proizvođača (ili generalnog distributera) ili drugi dokument od proizvođača opreme, kojim dokazuje da je ponuđač ovlašten servisier opreme koju nudi, dokument ne stariji od 1 (jedne) godine od momenta prijema ponuda, u formi originala ili ovjerene kopije (ne starija od 3 mjeseca u momentu dostavljanja ponuda). Iz navedenog Komisija je odlučila da ponuda ponuđača Albat d.o.o. nije prihvatljiva te se ponuđač isključuje iz daljnjeg postupka nabavke.

Nakon izvršene računске kontrole prihvatljivih ponuda, Komisija je utvrdila da u ponudi ponuđača nije bilo računskih grešaka.

Komisija je izvršila rangiranje prihvatljivih ponuda ponuđača, koji su blagovremeno dostavili ponude, prema kriterijumu najniža cijena tehnički zadovoljavajuće ponude na sljedeći način:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	Vizija d.o.o. Visoko, Muhašinovići bb, 71300 Visoko	0,00 KM	39.900,00 KM bez PDV-a 0,00 KM = PDV 46.6830,00 KM sa PDV-om
2.	ENERGOINVEST-SUE d.d. Tvornička 3, 71000 Sarajevo	0,00 KM	48.900,00 KM bez PDV-a 0,00 KM = PDV 57.213,00 KM sa PDV-om

Iz izvještaja o toku i završetku e-aukcije vidi se da je e-aukcija započela 20.07.2018. godine u 14:00h, te je uspješno okončana istog dana u 14:46h. Iz izvještaja o toku i završetku e-aukcije se vidi konačna rang lista ponuđača koji su učestvovali u e-aukciji:

R.br.	Naziv ponuđača	IDB/JIB	Konačna cijena KM bez PDV-a	Rang
1.	Vizija d.o.o. Visoko, Muhašinovići bb, 71300 Visoko	4218109670006	21.800,00	1
2.	ENERGOINVEST-SUE d.d. Tvornička 3, 71000 Sarajevo	4209310270009	21.900,00	2

Komisija za javnu nabavku je dala preporuku da se donese odluka o izboru i dodijeli ugovor o javnoj nabavci robe – **Agregat za neprekidno napajanje**, ponuđaču Vizija d.o.o. Visoko, Muhašinovići bb, 71000 Sarajevo, čija ponuda je ocijenjena kao najpovoljnija u skladu sa kriterijumom najniža cijena tehnički zadovoljavajuće ponude u ukupnom iznosu od 21.800,00 KM bez PDV-a (slovima: dvadesetjednihiljadaosamstotina KM i 00/100), što sa uračunatim PDV-om iznosi 25.506,00 KM (slovima: dvadesetpethiljadapetstotinašest KM i 00/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj

Dostaviti:

1. Teknoxgroup BH d.o.o., Rajlovačka cesta bb, 71000 Sarajevo
2. Sicon SAS Tuzla, Čaklovići 26, 75000 Tuzla
3. Albat d.o.o. Saarjevo, Pavla Lukača 7, 71000 Sarajevo
4. Energoinvest SUE d.o.o. Zenica, Tvornička 3 71000 Sarajevo
5. Vizija d.o.o., Visoko, Muhašinovići bb, 71300 Visoko
6. Služba za računovodstvo i finansije
7. U dosje javnih nabavki
- ⑧ Web stranica UNSA
9. a/a